

# Kadai Mkuu wa Kenya aiombea serikali amani na ufanisi

ALHAMDU lillah, kwa kuipokea tena Siku Kuu ya Idd el Haji kwa salama na amani katika nchi yetu ya Kenya. Hatuna budi katika wakati huu wa furaha na sherehe kwa ajili ya kuadhimisha Siku Kuu hii Kwamba, kuombea dua Serikali yetu tukulu ikiongozwa na Kiongozi mpendwa Bwana Daniel Arap Moi.

Huu ni wakati wa Waislamu kuomba dua nyingi nyingi ili Kenya idimushie amani, ufanisi na upendo. Waislamu popote pale walipo na hasa wale ambao mwaka huu wamekuwa wahijaji kutoka Kenya, waliombea nchi yetu ya Kenya Mwenyezi Mungu ainsurusu na fitina za kutoka nje. Mungu ainsurusu Kenya na balaa za maradhi nja na fitina. Mungu awasaidie viongozi wetu kiungoza nchi hii kwa salama na amani.

Kwa niaba yangu mimi mwenyewe, nawapeleke salamu za Idd Waislamu kote nchini Kenya. Na nawaomba Waislamu waishi kwa salama na amani katika miji yao na waisaidie Serikali yetu kuondosha balaa zote na kila jina ya uchochezi toka kwa

maadui zetu. Nawaomba Waislamu wawe watulivu na wao wenyewe wasimame msimama mmoja katika kumdesha mbele mambo yao ya kidini.

Nawahimiza Waislamu katika Siku Kuu hii wanyooshe mikono yao ya ukarimu kwa ndugu zao wa Kiislamu ambao pengine hawakubahatika sana kama wao ili na wao siku hiyo wale chakula kizuri na wawavishe watoto wao nguo nzuri kama watoto wengine. Angalieni sana siku hiyo watoto mayatima, majirani zenu, watu wazima wasiojiweza. Almuradi kila Mwislamu siku hii msaidieni kwa chakula ama kwa malumizi ili furaha iwe kwa wote.

Mwenyezi Mungu mtawilishe umuri Rais wetu mpendwa pamoja na aila yake. Uwatie nguvu Mawaziri na Wabunge na Madiwani ili watekeleze kazi zao za kuhudumia raia bila ya tabu yoyote. Mungu tudumishie amani, raha na ulimwenguni kote.

Idd Mbarak.  
Abdalla Saleh El Farsy,  
Kadhi Mkuu, Kenya.



WATOTO WALIO jaa turaha tele wakiwa wamevalia maridadi tarani kwa sherehe za Idd-ul-Hajj. Kutakuwa na michezo ya aina mbali mbali kuwafurahisha watoto kama hawa katika maonyesho ya Makadara. (Picha: HUMPHREY MUMIA)

## KWA HAKIKA KWELI YAUMA

YAONESHA Bibi Zaitun Said Mohamed anaelewa Tatsiri ya Quran tukufu sawa sawa pamoja na Biblia.

- Kabila sijajibu suala zake alizualiza (COASTWEEK 27081) ningelipenda anijibu hii suala zangu ndogo kwamba Pengine tatsiri ya Quran aliyonyayo Zaitun maeleza vizuri kuliko Tatsiri aliyonyayo mimi.
- Aya gani katika Quran inataja kwa majina kuwa Vodka, Matingsi, Champagne, Chang'aa, Johnny Walker, Martell Cognac ni haramu?
- Aya gani katika Quran inawambua kanzu, kikoi na kofia ni vazi la Ki-Islamu?
- Aya gani katika Quran inasema gani ni uzushi mbaya?
- Nguzo za heshima ulirotaja kuka barua yako ambazo wanawake wanawaja hadhari ni zipi?
- Mwanamume ambae hendi kwenye Hall kumtukuwa mke wake hwa yeye hajulikani kama ni mume wa fulani?

Idd Mubarak.  
Wadadi Bint Maskini,  
Bwene Road, MOMBASA.

**SAUTI ZA WASOMAJI**  
COASTWEEK Sanduku  
La Posta 87270,  
Mombasa KENYA

## WALILIA VIPANDE VYA KANU TAITA


TUNAYO ofisi ya KANU mjini Taita lakini tatizo ni kwamba katika afisi hivyo haina Mwenyekiti wala Mweka Hazina kwani utikapo hapo ofisini utakuta tu walizi na wafyagajaji.

Nasi watu wengi wa Taita twataka zote tuwe na Kadi za uwanachama wa KANU, lakini pakupata hizo Kadi Wilayani kwetu ndio zili!

**Tuchague Viongozi**

Kwa hivyo naomba Wabunge wetu wa Taita watishe mkutano ili tuchagwe Mwenyekiti, Mweka Hazina, na wengineo ili afisi yetu tuifutue upya kabisa, kwani walioko sasa hawana lolote watutendeleo.

Munyika Mwaigho,  
Magongo, MOMBASA.



**SHERIA YA Kiislamu imeamrisha kwamba waumini wanapasaji waelekee Kibla ambako ndiki iliko Al-Kaaba. Sasa vipi mtu ataweza kutambua Kibla kama yuko nchi za Ulaya? Kampuni moja nchini Austria inayoitwa Benko Ing. Kornhuber imeunda Dira ambayo inamwezesha muumini wa Ulaya kutambua Kibla bila ya shida yoyote. Dira hiyo kama inavyoonekana pichani, ina orodha ya majina wa miji kadhaa na wakati ncha ya Dira hiyo inapolekeza Kaskazini, basi ncha ya pili huelekea Makka.**

(Picha: METOCH BAKHUSA)

## SHIRAZY AWAOMBEA WAHIJAJI WOTE HIJA YA KHERI NA FURAHA

HAYA ndio majira ya Waislamu kuzidi kukumbushana yale mafunzo yao ya kujitolea kwani wakati wa kuhiji. Maka na Kuzuru Madina Waislamu hujitolea hali na mali yao kutekeleza mwito wa Mola wao, kuthibitisha imani yao.

Wale walio na bahati ya kwenda kutekeleza nguzo ya tano ya Uislamu - Hajj - huingiwa na imani na kujihisi kwamba Mungu amewatunuku jamba kubwa la kuweza kutika Meka na kufanya mambo yote wanaotakwa wayafanye hiyo ibada ya Hajj. Waislamu waliobaki makwao huwa wakiwaombea Mungu ndugu zao na dada zao na pia Waislamu wote watakabaliwe ibada zao zote za Hajj.

Nami kwa niaba ya Thalatha Twaifa, nachukua nafasi hii kujitua niwombe ndugu zetu wote Waislamu waliokwenda Makka wataulu katika ibada zao

na warudi nyumbani kwa furaha na salama.

Pia nachukua fursa hii kumuomba Mungu hii unyenyekevu. Mtukufu Rais Daniel Arap Moi kwa kujitolea maisha yake na wakati wake wa thamani kwa kutumikia umma wake wa Kenya na Bara zima la Afrika kwani katika safari zake za huko Amerika na Australia amedhihirisha wazi kwa ulimwengu mzima kwamba nia yake thabiti ni kuliona Bara zima la Afrika liko huru katika amani na maendeleo.

Twamshukuru Mola wetu kutupatia kiungozi huyu Rais wetu mpendwa Moi, Mungu amzidishie hekima, ghera na uwezo wa kuwatumikia watu wake wote na umma wa Bara zima la Afrika.

Idd Mubarak.  
Mohamed Salim Shirazy,  
Tamimu wa Thalatha Twaifa.

## COASTWEEK YATOA MKONO WA IDD KWA WASOMAJI WOTE WA KIISLAMU

WAKATI MWENGE wa kusherehekea Siku Kuu ya Idd umetika. Na mara hii, ni Idd el Haji. Hii ndivo Siku Kuu kubwa kwa Waislamu. Ina mafunzo tele kwa Waislamu. Kwamba inatukumbusha mambo ya Hijja na vile hasa alivyooanza kwa hivyo inatoa nafasi ya kumkumbuka Naby Ibrahim na mtoto wake Ismail. Tena inatukumbusha malezi na utii wa wana kwa baba zao. Kwamba tukumbuke kwamba Naby Ibrahim alipotesha kumchinja mwanawe, hakusita. Na hivyo mwana naye alipopawa khabari na babake kwamba ameamiwa amchinge, hakukimbia wala kuwazawaza, bali alimwambia babake, "Tanya kama ulivyoamriwa nami utanikuta ni wenye kusubiri".

Hayo ndivo malezi. Iee Waislamu wanatunamia nafasi hiyo kwa kuwalea watoto wao ipasavyo! Lakini Mwenyezi Mungu alikuwa tu akiipima amri ya mtume wake Ibrahim. Na Mola alipotosheka na utii wa baba na mwanawe, alimletea mnyama kutoka mbinguni (dhabhi) amchinge badili ya mtoto wake. Na kwa kukumbuka tendo hilo la imani kubwa na utii mkubwa hadi leo Waislamu wanafanya tendo hili la kumchinja mnyama kila ikiipok Idd el Haji.

Ni watoto wangapi leo wanaotii baba zao. Baha anamwambia mtoto wake mwanangu usende pahala fulani kwani utaharibu Uislamu wako na utaharibu imani yako. Lakini wapi! Mtoto asema mzee weve yako yamekwishia. "Hapo zamani pia wewe ulikuwa kijana kama mimi lakini leo unkwishia ndipo wataka na mimi niuweke makazi yako".

### SOTE TUWE MAKARIMU

Waislamu wenye tabia ya kuadhimisha Idd el Haji kama ipasavyo, bila shaka hawatakona baraka za Mungu na amani yake kama vile alivyozipata Naby Ibrahim. Siku hiyo, ukarimu unataka uwe ule wa hali ya juu kabisa. Yaani uwe na hakika kwamba jirani yako iwapo ni maskini siku hiyo ya Idd atakula chakula kama chako pamoja na watoto wake. Uhakikishe kwamba maskini waliokuzunguka na wao siku hiyo wanapata chakula bila ya kusumbuka. Kwa nini tendo hili la ukarimu tuwache ndugu zetu wa Kihindi peke yake, na ihali amri hiyo yatahusu?

Mwaka huu, Idd el Haji imekuja siku ya Ijumaa, siku tukufu kwa Waislamu. Sasa hatujui mpaka sasa kwamba Sala ya Ijumaa pia siku hiyo itasaliwa. Asili ya Kusema hivi ni kwamba iwapo sala ya Idd imetokea siku ya Ijumaa basi sala ya Idd itakusheha na baadaye pakasaliwa tu sala ya kawaida ya adhuhuri, maana huwa Waislamu wa mji mzima wameshakutana na kwa hivyo hakuna haja ya kukutana tena wote mara ya pili. Kitu muhimu zaidi ni Waislamu kuja pamoja na kusameheana na pia kuzidi kuomba Mungu wawe kitu kimoja katika mambo yao ya Kidini Paswe na utengano kati ya Waislamu. Neno lao live moja tu.

Na kwa niaba ya Wahariri wenzangu wa COASTWEEK, twawapeleke wasomaji wetu mkono wa Idd el-Hajj popote pale ambapo gazeti hili husomwa. Na twawambua hivi: "Kulla aam wa antum bilkheyr".

Idd Mbarak.

## JISHINDIE Miavuli maridadi katika shindano jipya la kujaza



### SWAHILI CROSSWORD NO.

- KWENDA KULIA:**
- Msimamizi wa wafanyi kazi za mikono
  - South Afrika
  - Mwenziwe pishi
  - Huwa katika shaza baharini
  - Osha, safisha
  - Nyama nyekundu tumboni
  - Shutumia, aili
  - Nusu ya neno nini
  - Neno la kukataa
  - Panda, kwea


- KWENDA CHINI:**
- Stesheni kati ya Mombasa na Nairobi
  - Mpaka
  - Tamu
  - Tamu kushinda sukari
  - Teketeza
  - Chakula mashuhuri
  - Toa mazao
  - Toa kilicho mdomoni
  - Kiungo cha maneno.

**Washindi wa Fumbo la Kujaza Maneno No. 127**

- Julius D. Katana, Sanduku la Posta 25, Kaloleni, Girama
- Mr. M. K. Kumenywa, Sanduku la Posta 80149, Msa
- Mohamad Hemed, Sanduku la Posta 68, Lamu

Washindi waombwa waika afisini mwa COASTWEEK.

**MAJIBU YA SHINDANO LA FUMBO LA KUJAZA**



### JINA SANDUKU LA POSTA

MANENO NO. 127 - KWENDA KULIA:

- COASTWEEK, 4. ASHII, 6. MKOA, 7. AKILI, 9. NI, 11. VUMBA, 13. BIRIKA, 14. KAA, 15. AU, 16. JA.

**KWENDA CHINI:**

- CHAPATI, 2. SAHALI, 3. EZEKA, 5. TANGAZA, 8. INDIA, 10. KUKU, 11. VIA, 12. MA, 13. BA.

### Shindano la Fumbo la Kujaza Maneno:

Uamuzi wa majaji utakuwa

wa mwisho hakuna malalamiko yoyote yatakuvo kubaliwa.

Washindi watatu kila baada ya wiki mbili watapata miavuli maridadi. Shindano hili limedhaminiwa na COASTWEEK LIMITED, Mombasa.

Jawabu za Fumbo hili lipeleke kwa Mubarak, COASTWEEK, Sanduku la Posta 87270, Mombasa, Kenya. Siku ya Jumatano tarehe 21.10.81 saa nne asubuhi shindano hili litakuwa mwisho.